



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

Articulus III. Qualiter pensionibus beneficia gravari possint à Collatoribus?

[urn:nbn:de:hbz:466:1-73045](#)

214 Tract. in Lib. III. Decretal. Quæstio XII.

Deducitur 4. probabilius esse, dictas frumentum reservationes, in collationibus beneficiorum, cassante justa, & necessariâ causâ, ad pios usus pertinente, spectato jure communi, non posse licite fieri sine privilegio, vel licentia Papæ; ratio sumitur ex Rubrica hujus tiruli; quia salaria constituta Ecclesia Ministris, integrè sunt solvenda. Deinde *Clement. 2. de reb. Eccles.* Episcopus unam Ecclesiam, etiam cum consensu Capituli, non potest mensa sua, vel Capitulari, unire perpetuo; quia Episcopus autoritatem præstaret in proprio facto, scilicet in proprium commodum. *Gloss. ibid. V. mensa sue*, sed haec ratio locum habet etiam in unione temporali, vel frumentum reservatione ad tempus. Non prohibetur tamen Episcopo, quo minus cum Capitulo statuat, ut reditus, vel eorum pars beneficiorum vacantium ad tempus reserventur in utilitatem Ecclesiae Cathedralis, v.g. pro fabrica, vel solvendis debitis, Ecclesiae nomine contractis, ut dicitur in *Clement. de reb. Eccles.* non alien. non tamen mensa sua, ut habetur in cit. *Clement. 2. num. 910.*

914 Deducitur 5. posse etiam Episcopum, cum Capitulo, statuere, ut certa pars frumentum primi anni, ex beneficio in sua dioecesi vacantibus, applicetur ad fabricam Ecclesiae Cathedralis, si necessitas exigat; quia sic non præstat autoritatem in facto proprio, sicut fieret, si eam applicaret mensa sua, vel Capitulari, ita Layman in c. 2. *dere script. in 6.* Quod tamen intelligendum, non neglecto ministerio debito Ecclesiae, cuius fructus ad dictum finem reservantur; consequenter constituto Clerico, ei Ecclesiae ministrandi, ex ejus redditibus justo stipendio, & sustentatione, quo fit, non posse reservari integras talis beneficii redditus, saltem spectato jure communi.

Cœterum consuetudo rationabilis, vel statutum laudabile, admitti potest, per quod aliquid exigitur ab obtinentibus beneficium, & quotidiana distributiones, quod non in ipsorum exigentium utilitatem, sed Ecclesiae, aliosque pios usus pios convertatur, modo non pro ingressu ipso, & admissione, sed ad alium finem exigatur, sic Felinus in c. *Cum M. de constitut. Abbas* in c. *Jacobus de simon.* num. 3. & patet cit. decreto Trid. ibi: illis tan-

tum, quas ut laudabiles probaverint, exceptis, tales porro non debent censeri consuetudines, quæ sunt pro instaurazione vel reparacione bonorum, mensa Capitularis, cederent enim in utilitatem singulorum, resolvit Garcia p. 8. c. 1. num. 90. Minus illæ numerari inter laudabiles poterunt, quas specificè exprimit Tridentini num in decreto relato num. 911.

Eam tamen consuetudinem de servientio per annum, vel aliquod tempus, & nihil percipiendo interim de massa glossa, nisi peracto integro dicto servitio, vel quod post obitum hæredibus debeatur, cum sit potius differre, quam auferre, non comprehendit hoc Tridentini decreto, refert decisum Garcia p. 11. c. 15. num. 138. nec etiam illam, ut duobus primis annis (quibus quis fuerit Canonicus) fructus Canonici sint hæredum antecessoris sic Garcia cit. num. 138. & ex illo Barbosa in Trident. cit. an. 3. si fundetur in pio, vel justo titulo.

Dixi autem superius n. 913. spectato iure communi, nam in quibusdam Ecclesiis Germaniæ, adhuc hodie consuetudo viget, ut annata, seu primi fructus, aut potius moderata eorum pars reservetur Episcopo ad ejus proventus augendos, teste Layman. l. 4. tr. 10. c. ult. §. 5. n. 46. addente, non satis constare, an in Trid. sess. 24. de reform. c. 14. ea reservatio simpliciter prohibetur? an vero solum, ne simoniace recipiantur? quasi pro ipsa collatione, vel institutione, si enim fundantur in receptione pro collatione, vel institutione, dubium non est, talem consuetudinem omnino irritam esse, si in vitio avaritiae? reprobata à Trid.

His addit, quod, si Episcopus mutuum accepit in utilitatem sua Ecclesie, & is, et non soluto, obiit, successor in Episcopatu conveniri posse, super eo, & ad solutionem Creditoribus præstandam teneatur c. *Dilecti* 17. de foro competente, sic Pirking cod. num. 45.

ARTICULUS III.

Qualiter pensionibus beneficia gravari possint a Collatoribus?

Non est dubium, impositione pensionum diminui redditus beneficii, ceteroquin competentes beneficiario, cui pro-

propter officium datur beneficium, quia tamen quandoque justa causa intervenire potest, propter quam in alicujus beneficio constitui potest pensio; non raro etiam iusta, & planè simoniaca: plures in hac materia dubitationes proponi possunt, an, & quando ejusmodi beneficiorum dimissio, pensionum impositione, validè ac licet fieri possint?

§. 1.

De pensionibus in genere.

916 Questio prima est, quid, & quottiplex sit pensio? Ad 1. quod apud Lessiū l. 2. c. 34. num. 301. sic definiatur: est *jus percipiendi fructus ex alieno beneficio*. Dicitur: *ex alieno*; quia nemo dicitur ex suo beneficio habere pensionem, sicut nec usumfructum ex bonis propriis. Apud Azorū p. 2. lib. 8. c. 5. q. 1. sic definitur: *est certa portio ex aliquo beneficio Ecclesiastico, iusta de causa ad tempus detracta, & separata*. Per particulam (*ad tempus*) distinguitur à *portione*, quam habent portionarii, de quibus egimus proximè n. 262. Nam hujusmodi *portio* est perpetua; &, cum aliunde sit propter officium spirituale, nec habeat eum animarum, nec jurisdictionem, nec dignitatem, est verè beneficium simplex.

917 Ad 2. quod pensionem esse triplicem, temporalem, spiritualem, & medium. *Temporalis* (alio nomine *laica*) est, quæ datur propter aliquod ministerium temporale, v. g. viro illustri, ut Ecclesiā defendat; Oecono, ut negotiā Ecclesiā agat, vel cuiilibet ob operam Ecclesiā navatam, vel navandam; *Spiritualis* est, quæ fundatur intitulo mere spirituali, & datur v. g. Concionatori, vel adjutori Episcopi, aut Parochi: *Media* est, quæ fundatur in solo statu spirituali, non tamen in officio spirituali præstanto, & datur v. g. Clerico pauperi, vel Parocho seni, ut se sustentet: item, quæ datur causa resignationis, vel litis componenda; tam spiritualis, quam media, pensio Ecclesiastica dicitur, *Pensionarius*, autem, ut simitur ex Lessio *de benef.* n. 208. est ille, cui solvit pensio, sicut donarius ille, cui fit donatis.

918 Quæstio altera est, an pensio sit beneficium Ecclesiasticum propriè dictum? de pensione laica vegativa certa est; sed nec

pensionem Ecclesiasticam esse beneficium, propriè Ecclesiasticum, rectè tradit Castropalaus tom. 2. p. II. §. I. n. 4. nec etiam venire illius *appellatione*, quia per mortem pensionarii extinguitur: quod tamen limitat Pyrrhus Cortadus in præxi Dispens. Apostolic. l. 6. c. 2. n. 8. volens, illam (*in favorabilibus*) venire *beneficium* *appellatione*, saltem late sumpti.

Quæstio 3. est, an habens pensionem su-

stantiæ vitæ sufficientem, ad ejus titulum *in sacris* promoveri possit? quod sic, si perpetua sit, nam ad hoc sufficit jus alicui ad dies vitæ constitutum percipiendi redditus sufficientes ad decentem, & congruam sustentationem, & ideo etiam carrens patrimonio, sed habens ex mera donatione tantum, quantum sat est ad honestam sustentationem (si Episcopus judicaret esse necessariam, vel utile suis Ecclesiis) ordinari potest in sacris, *ex declarat. Congreg. Card. pro dub. Trid.* apud Azor p. 2. l. 3. c. 4. q. 1.

Quæstio est 4. an, *sine consensu Episcopi*, pensio, ad quam quis in sacris ordinatus est, possit renuntiari? Negativam tenent aliqui; sed dicendum, posse, si aliunde obtineat, unde decenter, & commodè, ordinatus vivere possit; sic Doctores communiter in c. *Tuis de præbend. in 6.* & constat ex *Trid. sess. 21. c. 2.* ubi communiter sermo est de alienatione *patrimonii*, ad cuius titulum quis ordinatus est, & ita etiam de pensione censem P. Ladislaus Sennyli, in Examine quadripartito Ordinandorum, p. 2. c. 1. n. 30. ubi querit, an patrimonium, vel pensio (ad quam quis ordinatus est) possit alienari? responder, nec alienari, nec extingui, nec remitti, nec resignari posse, *sine Episcopi licentia*, hancque non dandam; *nisi consenserit, posse Clericum aliunde decenter, & perpetuo sustentari*. Si dicas, ergo etiam is, qui v. g. habet *titulum mensæ* ab aliquo, & ad illum ordinatus, obtinuit beneficium intitulum, licet potest, *sine consensu Episcopi*, illi titulo mensæ renuntiare: quod posse, juxta datam limitationem; quia decretum Tridentini, alienationem prohibens, solum loquitur: *dones beneficium Ecclesiasticum sufficiens obtineat, vel aliunde habeat sufficientem sustentationem*.

Quæstio est, 5. an, habens pensionem

921

perpetuam, debeat *eius facere mentionem*

nem

216 Tract. in Lib. III. Decretal. Quæstio XII.

nem in supplicatione pro beneficio impetrando? R. quod sic; si beneficium velit impetrare per rescriptum *Justitiae*; non, *gratia*; sic Azor p. 2. l. 3. c. 1. q. 4. *Rescriptum*, seu *litera justitiae vocantur*, quibus conceditur Clerico beneficium *intuitu indigentiae*; & ideo dicuntur dati in *forma communi*; quando autem Pontifex dat *liberaliter*, & non *intuitu paupertatis*, seu *indigentiae*, dicuntur *literæ gratia*, & dantur in *forma speciali*; Abbas c. *postulasti de rescripto*. Ratio est, nam nec habens patrimonium cogitur illud exprimere ad impetrandum rescriptum *gratiae* à summo Pontifice, ut tradit Azor cit.

922 Quæstio est 6. an pensio, quam quis, cum consensu Papæ renuntians suo beneficio, sibi reservat in eodem, sit propriè beneficium Ecclesiasticum? R. quod non; quia morte pensionari non vacat, sed extinguitur; Sic Azor cit. p. 2. l. 3. c. 5. q. 1. Deinde *pensio* in jure distinguitur à beneficiis c. *quarvis de prebend. in 6. ibi: non in pensione, sed in beneficiis Ecclesiasticis volumus providere*. 2. quia non est jus perpetuum percipiendi redditus Ecclesiasticos; nam finitur vita pensionarii, nec in ea datur talis successio, ut in beneficiis; nec datur propter spirituale officium, sed ob qualitatem personæ Clericalis; & obligatio ministerii non est ex institutione pensionis.

923 Dices 1. in c. *ad audientiam, de rescripto*, dicitur, *recipientes ab eis annuas pensiones, seu alia beneficia*; pronomen autem *alia* est particula implicativa similitudinis; 2. *pensio* subrogatur beneficio; ut, cùm quis pensionem sibi constituit in beneficio resignato, subrogatum autem sapit naturam ejus, cui subrogatur, L. *Si eum. §. injuriarum. ff.* si quis cautionibus; 3. quia pensio *spiritualis*, est jus percipiendi fructus Ecclesiæ ob ministerium spirituale: ergo. Ad 1. R. pronomen *alii* esse implicativum similium in casu, ubi materia substrata non obstat; aliæ cùm dicitur Christo: *cum eocrucifixi sunt alii duolatrones*, per hoc *alii* etiā implicaretur *Christus* sub verbo *latrones*. Ad 2. R. quod subrogatum imitetur quidem naturam, *quoad effectum*; non autem, *quoad qualitatem id*, cui subrogatur; aliæ *patrimonium* esset *beneficium*, quia

subrogatur beneficio in ordine ad titulum pro recipiendis ordinibus. Ad 3. Nego esse *de se jus perpetuum, ex num. 450.* nego etiam dari propter spirituale ministerium, ut ibidem notatum est.

§. 2.

Quis possit beneficiis imponere pensiones?

Desummo Pontifice non est dubium, 924 posse ex iusta causa; cùm penes ipsum sit omnium beneficiorum Ecclesiastico-rum administratio, c. 2. de *prebend. in 6. iusta*: porrò *causa* imponendi beneficio *pensionem temporalem*, si vel ipsi pensionario imponatur ministerium aliquod temporale, Ecclesiæ præstandum, vel ipse, aut majores ejus, vel consanguinei aliquod Ecclesia obsequium præstiterunt; pro concedenda verò *pensione Ecclesiastica*, duplex causa esse potest. 1. *lucrativa*, cùm conceditur Clerico, quia v. g. valdè piè vivit; quia in pauperes est valdè hospitalis; quia Ecclesia diu servivit: 2. *onerosa*, v. g. quia beneficium possessum resignavit; quia juri prætenso, & liti cessit; quia suum beneficium cum minori commutavit. &c. Porrò, quæ diximus de summo Pontifice, extenduntur, licet beneficia non sint libera, sed de jure Patronatus Laici; nunquam tamen præsumitur id Papam voluisse sine consensu Patroni, nisi exprimatur; cùm Patronatus sit gratia in Laicis; secùs est in Patronatu Ecclesiastico; sic Castropal. cit. num. 7. & Doctores communiter in c. *Dilectus de Jure Patron.*

Si Pontifex alicui, sine ulla legitima causa, ex sola sua libertate, pensionem constitueret, eum agere illicite, & invalidè, docet Lessius *de iust. l. 2. c. 34. n. 204. & alii*; quia non est Dominus beneficiorum: Castropalaus ramen cit. tom. 2. tr. 13. D. 1. p. 11. §. 2. num. 3. cum Sanchez l. 7. in *Decal. c. 29. n. 79.* probabilius putat, quod ageret validè, sed illicite. *Validè*; quia quoad substantiam non ageret contra mentem Christi, & Ecclesiæ, penes quem est rerum Ecclesiasticarum dominium, cùm non alienaret extra Ecclesiam; *illicite* tamen, quoad modum, nimurum sine causa legitima.

Diffi-

925 Difficultas est de ordinariis beneficiis Collatoribus, Papâ inferioribus, an beneficio vacanti pensiones imponere possint? *qz.* probabilius esse, quid Episcopus, seu ordinarius, non possit pensionem imponere beneficio; sed tantum Beneficiario, exceptâ causâ pacis, & concordia; sic Castropalaus *cit. n. 4.* ex *c. de cetero.* de transact. Etratio est, quia beneficia Ecclesiastica sine diminutione conferri debent, ut constater Rubrica h. t. Addit tamen Eisling. *incit. tit. n. 10.* in causis specialibus, ex justa, & necessaria causa, vel evidentem Ecclesiaz utilitatem concernente, posse Episcopum adhuc hodie imponere pensionem beneficia, non in perpetuum; nec cum facultate transferendi ad alterum; sed duraturam ad vitam gravati beneficiorum, cum quo, & pensio extinguitur; ita ille cum Tagnano in *c. n. 17.* de pribend. *n. 28. & seq.* Ali autem Episcopus possit beneficio imponere pensionem duraturam ad vitam pensionarii, quæ transcat ad Successorem Beneficiati; negat Sanchez *cit. n. 99.* & Azor *cit. l. 8. c. 6. q. 1.* affirmat vero Suarez *l. 4.* de Simonia *c. 51.* *n. 18.* & Layman *lib. 4. tract. 2. c. 18.* *n. 31.* ambo suam opinionem probantes ex variis iuribus; sed sententia negans hoc evincit, quod non possit regulariter, & ordinariè; affirmans autem, quod possit ex causa justa, & necessaria, vel evidentem Ecclesiaz utilitatem concernente, idq; ubi causa non est personalis, absque consensu tamen Patroni præsternim Laici, Episcopos beneficis Patronatis imponere non potest pensiones. Quia hoc est contra Jus Patroni, approbatum à Papa, cui derogare nequit inferior; Sic Rebuss. in praxi beneficiorum *p. 3. num. 28. & 48.* contra Lessium *l. 2. c. 34.* *n. 207.* & Azor *l. 8. c. 8. q. 2.* De reliquis huc pertinentibus agam infra.

926 Questio præterea est, quid in hoc possint Legati à latere? Azor *cit. l. 8. c. 6. q. 2.* censet, eos posse imponere pensiones illis beneficiis, quæ jure suo conferre possunt eo modo, quo Ordinarius: Nuntios aurem, aliosque Legatos, quia personæ non habent potestatem conferendi beneficia, nec posse illis imponere pensiones; Sic Garcia *de benefic. i. p. 6. 5. n. 186.* si autem ejusmodi Legatis,

Tom. III.

vel Nunni conceditur facultas conferendi beneficia cum ipsa legatione, censet Garcia *cit. n. 292.* posse tunc illis imponere pensiones, non autem si separatim à commissione legationis; quia ibi tum potestas est ordinaria; hic solum delegata; & ideo extenditur illa, non ista. Castropalaus tamen *cit. n. 5.* probabilius putat, quod in neutro casu possit; quia concedere beneficia, & imponere beneficis pensiones, diversa sunt, à diverso autem, ad diversum non sit extensio.

S. 3.

Quibus, & in qua quantitate, quando, & quibus beneficis contedi, aut imponi possunt pensiones?

Ad 1. *qz.* jure novo Tridentini sels. 927 *23. de Reform. c. 6.* nemini ante annos pubertatis, posse beneficium Ecclesiasticum concedi, licet sit initiatus primâ tonsurâ, aut etiam in minoribus constitutus; pensionem autem Ecclesiasticam, nulli non Clerico; nam hæc supponit in recipiente Clericatum: an autem ejusmodi pensionem obtinere possit Clericus ante annum 14. ætatis? negativam sequitur Garcia *p. 1. de Benefic. c. 5. n. 121.* apud Pirhing. *b. l. n. 12.* dicentem ex illo, quod, sicut jure novo Tridentini nullus potest obtinere beneficium, sic nec possit pensionem Ecclesiasticam ante annum 14. sed Tridentinum nullam facit mentionem pensionis; unde ad pensionem sufficere ætatem septem annorum supposito Clericatu, & in ea non procedere dispositionem hujus decreti, tradit Barbosa in *dis. c. 6. Trid. n. 9.* & apud eum Riccius, Gonzalez, & alii: addit tamen Pirhing *cit.* ex codem Garcia *cit. secundum stylum Curie,* qui non est capax beneficij Ecclesiastici, nec esse capacem pensionis Ecclesiastice, quam porrò vim habeat iste stylus, alibi pluribus exposui. Cæterum quædam Ecclesiaz, saltem in Germania recipiunt ad Canonizatum Clericos, etiam impuberis, non receptas Tridentino in hoc puncto.

Ad 2. *qz.* pensionem debere esse 928 *moderaram,* ut beneficiato saltem tantum relinquatur, quando indiget ad decentem sustentationem, ad opera misericordia, ad decentem hospitalitatem, solvenda iura Episcopalia, & alia

Ee onera,

onera, c. De Monachis. 12. de præbend. censetur autem *moderata*, si non exce- dat tertiam partem annui redditus; Azor *cit. q. 5.* pensio tamen imposta fructibus beneficij, non intelligitur imposta distributionibus quotidianis propriè di- etis; nam istæ non veniunt appellatio ne fructuum beneficij; nec fructibus, seu redditibus *incertis*; nisi vel exprimatur, ut notat Azor *cit. q. 17.* vel contrarium colligatur, aut ex stylo Curiae, aut ex subiecta materia.

929 Ad 3. g. ubi licita est impositio pensionis, eam posse fieri tam antè, quam post collationem beneficij, ut colligitur ex c. unic. h. t. ubi tamen nota, præstare pensionem reservari ante collationem, ne si aliquid ex illa direc- tè, vel indirecè redudet in commo- dum Collatoris, periculum subdit Si- monia, prout dicitur in dict. c. unic. ibi: nam, si proventus ante donationem (intellige collationem) non perceperit ipse, sed alius, & ex donatione consequatur, ut ipse proventus percipiat, non est dubium, circa huc intercedere simonia- cam pravitatem. Si verò ante dona- tionem perceperit ipse proventus, cre- dimus distinguendum, utrum antè dona- tionem constitutat, ut ipsi proventus re- tineantur ad tempus *pro causa justa*, & necessaria? aut conveniat cum eo, qui accepit beneficium, seu cum mediatore quoconque, ut officio illo concessio retineat ipse sibi proventus: Primum enim membrum *credimus esse licitum*: secundum autem dicimus, non licere: ne viam aperiamus his, qui pravitatem suam fatagunt palliare.

930 Not. autem, cum pensio imponi- tur beneficio, ad validam impositionem ejus, etiam à Papa factam, exigi con- sensum beneficiati, juxta Azor. *cit. q. 6.* Certum est, quod Papa, saltem non so- leat, aliter imponere; sic Pirhing b. l. num. 15. quod probabiliter etiam pro- cedit de beneficiis vacantibus, nisi Ad- vocatus, seu defensor tunc loco bene- ficiati consentiat, hic Castropalaus t. 13. §. 1. p. 11. §. 5. n. 2. est enim quasi quæ- dam alienatio eorum fructuum.

931 Pirhing b. l. num. 16. cenfer, in istiusmodi casu, consensum Patroni non

necessariò requiri, spectato jure commu- ni, nisi ex decentia, seculo privilégio, vel consuetudine contrarià, ex Abba- te in c. unic. h. t. num. 20. Azor *cit. c. 8. q. 1.* secùs tamen esse in permuta- tione, beneficiorum unione, vel resi- gnatione in favorem tertii; rationem primi dat, quia id nullo iure caveatur, sed contrarium diximus supra; ratio- nem secundi verò istam; quia sic Patro- nus privaretur jure præsentandi.

Ad 4. q. quamvis omnibus bene- 932 ficiis imponi possint pensiones à sum- mo Pontifice; à Tridentino tamen Ses. 24. de reform. c. 13. statutum esse, ut beneficia *tenua* minimè graventur pensionibus; atque adeo in specie, ne Ecclesiæ Cathedrales, quarum redditus summam 1000. aureorum non excedeant; & parochiales, quarum redditus summam 100. Ducatorum, secundum annuuni valorem, pensionibus & reser- vationibus, fructuum graventur: Bene- ficiis autem simplicibus nulla pensio im- ponni solet, nisi anni reditus excedant summam 24. Ducatorum; sic Azor p. 2. l. 8. c. 8. q. 7. nec etiam dignitati, vel Canonicatu, si non excedat 100. Ducatorum summam; Sic Azor cit.

Ulterius dubitari potest 1. ad quid 933 obligetur pensionarius? 2. an obligatio solvendi pensionem transeat ad Suc- cessorem Beneficiati gravati? 3. an in sup- plicatione, quæ fit Papæ pro pensione constituenda, in beneficio Patronato, fieri debeat mentio *de qualitate benefi- ciij?* 4. an pensionis jam adeptæ? 5. qui- bus modis pensiones extinguantur? 6. an, sperans beneficium, possit Col- latoris promittere pensionem inde sol- vendam? Ad 1. q. teneri eum ad one- ra annexa beneficio pro rata suæ pen- sionis, quæ ob necessitatem, vel publi- cam causam à Clericis interdum ex- guntur titulo beneficiorum, ex quibus habet fructus, quia qui habet commo- dum, etiam sentire debet onus. Azor *cit. c. 9. q. 2.* excipe tamen pensionem *exemptam*; nam si Papa alicui assignat pensionem ex alieno beneficio, cum immunitate ab onere subsidii, totum subsidium præstat Rector Beneficii. Pre- sumitur autem hæc immunitas, si eam affi-

assignet in alimenta; hæc enim immunita sunt à contributionibus; Sic Azor cit. §. Si quæras: Notar ramen Azor cit. pensionem constitui solere eò minorem, quando Titulari, seu Rectori Ecclesiæ gravato omnia onera præstanta incumbunt.

934 Ad 2. qz. affirmativè, si onus sit reale, seu incumbat ipsi beneficio; res enim transit cum onere, scèns est, si sit personale solum, seu gravatus tantum sit Beneficiatus; & si contingat vacare, vel sequestratam esse Ecclesiam, vel beneficium realiter gravatum, pensionem tunc præstat Oeconomus, vel sequester. Quod, si antecessor in beneficio gravato, ante mortem, non solvit pensiones, dicendum erit juxta tradita superius, qualiter Successor teneatur ad antecessoris debita exsolvenda? Ad 3. qz. affirmativè, si Patronus sit Laicus ex fundatione, ædificatione, vel dotazione Ecclesiæ; quia hoc gratiam reddit majorem, & concessionem difficultatem; scèns, si habeat alio iure, vel Patronus sit Ecclesiasticus; sic Azor cit. p.8. q.3. Ad 4. qz. pariter affirmativè; quia non præsumitur, Papam velle duplaci oneregravare eandem Ecclesiam; cæterum imperatio pensionis non necessariò requirit mentionem prius obtenti beneficii; scèns est, si habens pensionem supplicet pro beneficio gratiosè concedendo, quia Canones non prohibent habere beneficium cum pensione in alio beneficio, sic Azor. cap.10. quæst.8.

935 Ad 5. qz. pensiones extingui variis modis 1. morte pensionarii; 2. contra-acto matrimonio per verba de præsenti, intellige juxta num.48. 3. promotione ad Episcopatum. Juxta dict. supr.; 4. professione Religiosa; 5. assumptâ militiâ; 6. si pensionarius etiam sine consensu Papæ illam remittat in perpetuum; 7. si jure, & non merito facto obtineat beneficium, in quo ei penitus constituta est: hæc enim omnia deduci possunt ex traditis in præmissis quæstiōibus. Ad 6. constabit ex n.986.

ARTICULUS IV.

De unione beneficiorum.

Tom. III.

Non est dubium, præbendarum numerum, etiam diminui, beneficiorum unione; hæc est duorum, vel plurimorum beneficiorum, aut Ecclesiæ facta annexio, vel temporalis, vel perpetua; hoc fit, cum dicitur, ut hæc annexio perpetuò duret, vel ad perpetuam rei memoriam; vel ad beneplacitum Sedis Apostolicæ; vel, si fiat contemplatione Ecclesiæ; illa autem fit, cum exprimitur certum tempus, vel cum fit gratia personæ; in dubio autem præsumitur facta contemplatione Ecclesia.

§. I.

Quot modis fiat unio beneficiorum?

Resp. quodd tribus, primò, si ex duobus fiat unum; quo casu consuetudo, & privilegia uni Ecclesiæ concessa, accedunt etiam alteri, & si sint contraria, favorabilia servari possunt; sic Gregor. Tholos. Garcia, & alii. Secundo, si una Ecclesia, alteri tanquam Superiori, subjicitur, velut accessorium principali; & hoc casu, accessorium quasi extinguitur, & induit naturam, qualitates, & privilegia ejus, cui adhæret gloss. in c. Et temporis. V. unire. 16. quæst. 1. Ita Sanchez lib. 7. moral. cap. 29. num. 164. quo casu, per unionem, factam Ecclesia exempta, Ecclesia unita, & ante non exempta, evadit exempta; & Ecclesia secularis, sic accessoriæ unita regulari, evadit regulatis; quia ipsa quoad nomen, & titulum extinguitur, & solum conditionem acquirit Ecclesiæ principalis; sic Azor cit. part. 2. lib. 6. cap. 2. 8. quæst. 2. Sanchez cit. & alii. Tertiò, si duo beneficia aquæ principaliter uniantur, ita, ut ambo retineant naturam, qualitates, & privilegia sua, & neutra alteri subjiciatur, vel adhæreat; sed utrumque proprios reditus, & suum titulum habeat sub eodem tamen Reatore.

Quæstio est, unde cognoscere possumus unionem factam esse principaliter, vel accessoriæ? qz. ex tenore literarum unionis; si enim dicitur: illud, & illud beneficium unus, unio est aquæ principalis; si autem dicat: hoc beneficium isti Ecclesiæ, vel beneficium unus, & incorporamus, unio facta est accessoriæ: